

FORO ERREGULARRA – GOBERNANTZA EREDUAREN PROPOSAMENA

PROPOSAMENAREN TESTUINGURUA

OGPren¹ erreferentziako dokumentu batzuetan ezarritakoaren arabera “foro erregularreko kideek **elkarrekin ezartzen dituzte beren eskumen-eremua, kideak izendatzeko prozesua eta gobernantza** (bileren maiztasuna, agenda zehazteko arduraduna, erabakiak hartzeko modua, gatazkak ebazteko prozedura, kontuen zehaztasun-maila eta erabakiak hartzeko autoritatea). Hori guztia OGPren webgune edo orri nazionalen argitaratzen da”.

FORU ERREGULARREKO GOBERNANTZAREN PROPOSAMENA

1. IZAERA

Foru erregularra **espazio informala eta egituratua da, berariaz diseinatu dena** EAEko administrazio publikoek eta herritarrek (antolatuta egon zein ez) ahalik eta **parte-hartze handiena izateko eta elkarrekin lankidetzan aritzeko**.

Hitz egiteko eta elkarrekin sortzeko espazioak bilatu nahi ditu, denen ahotsak entzungo direla bermatuz, Euskadin gobernu irekia sustatuko duen ekintza plan bat diseinatzeko, ezartzeko eta ebaluatzeko.

2. OSAKETA

Foroa modu paritarioan dago osatuta. Batetik, EAEko administrazioak daude eta, bestetik, herritarren (antolatuta egon zein ez) ordezkariak.

Honako hauek dira **erakundeen ordezkariak**:

1. Eusko Jurlarritza. Titularra: Ordezkoa:
2. Arabako Foru Aldundia. Titularra: Ordezkoa:
3. Bizkaiko Foru Aldundia. Titularra: Ordezkoa:
4. Gipuzkoako Foru Aldundia. Titularra: Ordezkoa:
5. Bilboko Udala. Titularra: Ordezkoa:
6. Donostiako Udala. Titularra: Ordezkoa:
7. Gasteizko Udala: Titularra: Ordezkoa:
8. Eudel. Titularra: Ordezkoa:

Herritarren parte-hartzea prozesu ireki baten bidez ezarri da, gonbidapena, aldez aurreko informazioa eta autohautaketa oinarritzat zituena parte hartu nahi izan duten pertsonen eta

¹ https://www.opengovpartnership.org/sites/default/files/OGP_POC-Manual_2017_ES.pdf

<https://www.opengovpartnership.org/sites/default/files/Diseno-y-Administracion-Foros-Multisectoriales.pdf>

herritarren entitateen artean. Prozesuak aniztasun printzipioa du helburutzat, Euskadiko herritarren sentsibilitate eta ikuspegi guztiak jaso nahi ditu eta. Prozesu horren ondorioz, honako pertsona hauek dira herritarren ordezkariak:

1. Mestiza elkartea. Titularra: Ana Molina. Ordezkoa:
2. Bilboko Emakumeen Kontseilua. Titularra: Maria Aranzazu Otaolea. Ordezkoa:
3. Gasteizko udalerriko udalbatzak. Titularra: Miren Fernandez de Landa. Ordezkoa:
4. Aholkularia. Alberto Ortiz de Zárate.
5. Euskadiko Gazteriaren Udalbatza. Titularra: Maialen Olabe. Ordezkoa:
6. Innobasque-Berrikuntzaren Euskal Agentzia Titularra: Gotzon Bernaola. Ordezkoa: Goizalde Atxutegi
7. Osoigo. Titularra: Eneko Agirre. Ordezkoa:
8. Sareen Sarea. Titularra: Mikel Barturen. Ordezkoa:

3. ATXIKITZEA ETA EGOITZA

Gobernu Irekiaren aldeko Nazioarteko Batasunarekin lankidetzan, Foro Erregularra parte hartzeko espazio informal bat da, Euskadiko hautagaitzaren talde sustatzaileak osatzen duena (Eusko Jaurlaritza, 3 foru-aldundiak, 3 hiriburu-udalak eta Innobasque-Berrikuntzaren Euskal Agentzia).

Ez du egoitzarik, baina Euskal Autonomia Erkidegoko edozein tokitan egin ahal izango ditu bilerak, Foro Erregularra bera osatzen duten erakundeek xede horretarako eskaintzen dituzten espazioetan.

4. EGINKIZUNAK

Foru Erregularrak honako eginkizun hauek ditu:

- Euskadin gobernu irekia sustatzeko urte biko (2018-2020) plana elkarlanean diseinatzen laguntzea, hots:
 - Egoeraren diagnostikoa egitea eta hasi behar diren erronkak identifikatzea.
 - Ekintza planean sartu beharreko konpromisoak ezartzean lehentasunak identifikatzea.
 - Urte biko 2018-2020 plana formalizatzea (prozesua, gertaerak, adierazleak...).
- Plana ezartzeko prozesua monitorizatzea, eta ezarrita dauden konpromisoak hobetzeko eta zuzentzeko proposamenak egitea.
- Planeko konpromisoak betetzeko ebaluazioa egiten laguntzea.
- 2020-2022 aldirako planaren plangintza egiten laguntzea.
- Gomendioak eta proposamenak jasotzea lehenengo planari buruz, ezartzeko eskakizunei buruz eta planeko konpromisoak betetzeko ebaluazioari buruz.
- Beste eragile batzuk erakartzea (foro irekia, konpromisoko taldeak) OGPren jarduerak gauzatzera (zuzeneko topaketak, kontsulta irekiak, jarraipen eta ebaluazio prozesuak...).
- Egindako jardunaren gaineko informazioa eta kontuak ematea, modu irekian eta elkarlanean.

5. JARDUTEKO BALIOAK ETA PRINTZIOAK

Foru Erregularra osatzen duten kideek jarduteko balio eta printzipio batzuk dituzte, konpromiso moduan bete behar dituztenak. Honako hauek dira:

- Osotasuna: zintzotasuna eta ezaxola subjektiboa.
- Gardentasuna eta kontuak ematea.
- Gidaritza eta eredugarritasuna.
- Ondasun komunaren, inpartzialtasunaren eta objektibotasunaren aldeko elkarlana.
- Berrikuntza publikoa.
- Etengabeko ikaskuntza eta hobekuntza.

6. FOROAREN FUNTZIONAMENDUA

Jarraian, foroak funtzionatzeko moduari buruzko alderdi batzuk azaltzen dira:

Kargu-uzteak. EAEko administrazioko kideren batek kargua uzten badu, hark ordezkatzeko duen administrazioak ordezkari bat identifikatu behar du. Herritarren ordezkariaren batek kargua uzten badu, ordezkari horren izenean foroan parte hartzen duten kideek proposatu beharko dute ordezkaria.

Presidentek. Foroak presidente bi izango ditu, bata Eusko Jaurlaritzaren ordezkaria eta bestea herritarren ordezkariaren artean hautatzen den kide bat. Presidente horiek ebazteko dituzte, beren botoen bidez, erabakiak hartzean gerta daitezkeen berdinketak. Presidenteren bat agertzen ez bada edo gaixorik badago, foroak izendatuko du administrazioaren eta herritarren baterako presidentetza errespetatuz bileran jardungo duen pertsona.

Presidentek, bere ekimenez edo kideek hala eskatuta, pertsona adituek edo beste batzuek noiz edo noiz bileretan parte hartzeko eska dezake, uste badu horien iritzia entzutea interesgarria izan daitekeela aztertzen diren gaietan. Hitz egiteko eskubidea izango dute horiek, baina ez botorik.

Bileren maiztasuna. Foru Erregularrak ohiko bilera egingo du gutxienez hilean behin, 2018-2020 aldirako ekintza plana prestatzeko prozesuan zehar, eta hori hilean behin, plana ezartzen eta ebaluatzen den aldiran zehar. Bestalde, aparteko bilera egingo du, bere eginkizunetarako beharrezkoa dela uste duen oro, presidenteen ekimenez edo gutxienez kideen herenak eskatuta.

Bileren eraginkortasuna. Benetako lankidetzan ari den foroa izan dadin:

- Bilerak modu bizian eta elkarlanean egituratuko dira.
- Bilerak egin baino lehen, behar besteko aurrerapenarekin, emango da informazioa, ondo aztertzeko eta kanpoko eragileekin egiaztatzeko.
- Komunikazio eraginkorra izateko plataforma bat sortuko da, barruko dokumentuak gordetzeko eta irekian sozializatzeko aukera emango duena.

- Ordezkarri gisa hasten diren kide berriei informazioa emateko materialak prestatuko dira.
- Idazkaritza tekniko bat eratuko da. Honako hauek osatuko dute: talde sustatzaileak OGPrean aurrean izendatzen duen erakundeen teknikari arduradunak eta Innobasque proiektuaren arduradunak -hautagaitza sustatzen duen herritarren kidea-. Bi pertsona horiek bitartekari gisa jardungo dute Foru Erregularreko kideekin, baina horrez gain lan-saioetako idazkariak eta lan teknikoen eta dokumentuen kudeaketaren koordinatzaileak ere izango dira.

Deialdia. Presidenteek egingo dute Foroa biltzeko deia, gutxienez bost egun lehenago, foroa premiaz biltzeko arrazoirik ez badago; premiaz biltzeko arrazoirik izanez gero, gutxienez hogeita lau ordu lehenago egin beharko dute biltzeko deia.

Eraketa. Bilerak egite aldera Foroa balio osoz eratzeko, honako hauek agertu beharko dira bilerara: presidentetako bat eta idazkaria, edo horien ordezkarriak, eta, gutxienez, erakundeak eta herritarrak ordezkatzen dituzten kideen erdia.

Hizkuntz eskubideak. Bileretan parte hartzen duten pertsonak euskara eta gaztelania erabiltzeko aukera izango dute, eta bi hizkuntza horietan egingo dira deialdiak, gai-zerrendak, aktak eta bestelako idazkiak.

Erabakiak hartzea. Oro har, elkarlanean egindako lanaren xedea izango da erabakiak aho batez hartzea. Ezohiko kasuetan, eta gutxienez kideen erdiek eskatzen dutenean, aho batez hartuko dira erabakiak.

Gastuak. Foroko kideek ez dute dirurik jasoko. Hala ere, parte hartzeak eragiten dituen gastuak ordain dakizkieke –egoki bada eta alde zuzenetik justifikatuta-, Eusko Jaurlaritzaren zerbitzuen ondoriozko kalte-ordainei buruzko arauan ezarritakoa betez.